

Алдр Октябрин 40-ч джилин өөниг күч-көлснэ шин диилврмүд күцлгяр темдглхмн

Ставропольск Совнархозин предприятъсин кӧдлмшчирт, кӧдлмшч күүкд улст, инженермүдт, техникүдт үүлд церглächнр, Невинномысск ноос угъадг, В. И. Ленинэ нертэ фабрикин коллективин илгәджәх дуудвр

Үнтэ үүрмүд! КПСС-н XX-ч хургин тууджлгч шиидвр-мүд күцәдж йовх учрар, Октябрьск революцд нерәдгдсн делгрүлдж йовх социалистическ дӧрлдәнд орлцлгяр мана фабрикин коллектив түрүн өрәл джилә зурагъан цуг теко-экономическ үзмджәрнө йовудтагяр күцәгяд, зурагъасн даву 39 сай арслнъга эд-тавр гаргъв. Производств ясуруллгъна тускар кӧдлмшчирин өгдг заавр олзлсна ашднө 320 минъгън арслнө арвлгдв.

Ачлгъ ачлгъна буулгългъна кӧдлмш, гарар кедг кӧдлмшиг фабрик машигяр кедг болджана. Кӧдлмш кедг газриг болн кӧдлмшчирин поселкиг кеерүлдж-сәәхрүлгяр фабрикин коллектив ик гидг кӧдлмш кев. Предприятъсин кӧдлмшчирин, үүлд церглächнрин бәәдл-джиргълнө, бәәдг гермүднө ясрджана. Предприятин нъгәр 12 пәтртә әмти бәәдг гер бәргдәд олзлгдджана. Бас нег 39 пәтртә гер, дакад эздүд бийснө бәрджәх 125 гер тосхгдджана. Фабричн амрлгъна болн культурин парк кедв, пионермүдин лагерь секгдв, стадиона тосхлт дуусгдв, хотхол хулддг магазин бәргдәд, кӧдлмшән эклв.

Октябрьск революцд нерәдгдсн дӧрлдәнд орлцлдж йовх улсас кӧдлмшин зурагъан

140—250 процент күргдж күцәдг производствин өмн нүүрт йовдг әмтсин тонь фабрикд өсв.

Алдр байрин өдриг мана коллектив күч-көлснэ шин диилврмүд күцлж темдглхәр, урмдтагяр беллжәнә. Урднө бийдән авсн социалистическ даалгъвран шинәс хәләгяд, өдән даалгъвр авч болхмн гидж тоолджанавдн. Эврәннө эв-аргъан, кӧрнъгән дүннәд Алдр Октябрьск социалистическ революцин 40-ч өөнд нерәдәд 10 сара зурагъан болзгаснө өмн күцәхмн, ноябрин 7 күртл 60 сай арслнъга эд-тавр зурагъасн даву гаргъхмн, цуг кӧдлмшчир кӧдлмшиннө кемджәг 35 процент давулдж күцәхиг тетгхмн, ноос түрүн угъадж-үрдж гаргългъан 99,8 процент күцәхмн, кедж гаргългъна күч-көлсиг 1 процент, оборудовань—3 процент өсгхмн, гаргъсн эд-таврин үнинө 0,1 процент килврдүлхәр зүтгхмн, 1 сай 250 минъгън арслнө зурагъас давулдж олз орулхмн.

Изобретатель болн рационализатор улсин джисәг улм өргнәр делгрүлдж, производствд шин техник орулдж, энүнә ашднө 400 минъгън арслнө арвлдж авхмн.

400 ормта зуна театр, гастрономическ болн темснә мага-

зид бәрдж дуусад, тедниг өөрхн өдрмүдин эргцд кӧдлмш кедг болгънавдч гидж үгән өгчәнәвдн. 1957 джилин октябрин 1-шин күртл фабричн поселкин агъуд утдан 1,5 километр хаалгъ асфальтар бүркнәвдн, ноос угъалгъна багъ сортировкад сӧрдж сальк орулдг машиг ноябрин 1-шин күртл кӧдлдг кенәвдн.

Октябрьск социалистическ революцин 40-ч өөнд нерәддж бийдән өдән социалистическ даалгъвр авад Ставропольск оли-әмтнә эдл-ахун Советин предприятъсин цуг кӧдлмшчириг, кӧдлмшч күүкд улсиг, инженерно-техническ кӧдлächнриг болн үүлд церглächнриг бийсдән бәәсн производствиннө эв-аргъиг күццднө олзлтн, бийдән авсн социалистическ даалгъвран шинәс хәләдж, улм өдән даалгъвр автн гидж дуудджанавдн.

Үнтэ үүрмүд! Алдр байрин өдриг күндтәгяр тосхин төлә дӧрлдәг улм өргәр делгрүлий! Алдр Октябрин 40-ч өөниг күч-көлснэ шин диилврмүдәр темдглхмн!

В. И. Ленинэ нертә, ноос угъадг Невинномысск фабрикин кӧдлмшчирин, инженерно-техническ кӧдлächнрин болн үүлд церглächнрин конференц батлдж авсн дуудвр.